

四庫全書

子部

欽定四庫全書

子部

農政全書卷十七

詳校官中書臣寶汝翼

編修臣倉聖脈覆勘

總校官進士臣朱 鈐

校對官中書臣高 中

謄錄監生臣施 華

繪圖監生臣寶光國

欽定四庫全書

農政全書卷十七

明 徐光啟 撰


水利

灌溉圖譜

王禎曰灌溉之利大矣江淮河漢及所在川澤皆可引而及田以爲沃饒之資但人情拘於常見不能通變間有知其利者又莫得其用之具今特多方搜摘既述舊

以增新復隨宜而制物或設機械而就假其力或用挑浚而水賴其功大可下濶於千頃高可飛流於百尺架之則遠達穴之則潛通世間無不救之田地上有可興之雨其用水有法槩可見故輯諸篇庶資農事云

大水柵








水柵排木障水也若溪岸稍深田在高處水不能及則於溪上流作柵遏水使之旁出下溉以及田所其制當流列植豎樁樁上枕以伏牛擗以枘木仍用塊石高壘衆捷斜以邀水勢此柵之小者如秦雍之地所拒川水率用巨柵其蒙利之家歲例量力均辦所需工物乃深植樁木列置石固長或百步高可尋丈以橫截中流使傍入溝港凡所溉田畝計千萬號為陸海今特列于圖譜以示大小規制庶彼方倣之俾水為有用之水田為


不旱之田由此柵也

水間



水閘開閉水門也間有地形高下水路不均則必跨據
津要高築堤壩匯水前立斗門甃石為壁疊水作障以
備啓閉如遇旱涸則撒水灌田民賴其利又得通濟舟
楫轉激輾磴實水利之總揆也

陂塘




陂塘說文曰陂野池也塘猶堰也陂必有塘故曰陂塘
周禮以陂蓄水以防止水說者謂陂者蓄流水之陂也
防者陂旁之隄也今之陂塘既與上同考之書傳廬江
有芍陂潁川有鴻隙陂黃陵有雷陂愛敬陂陽平沛郡
有鉗廬陂其各溉田大則數千頃後世故跡猶存因以
為利今人有能別度地形亦效此制足溉田畝千萬此
作田園特省工費又可畜育魚鼈栽種菱藕之類其利
可勝言哉

水塘

大邑回車全書

農政全書

七




水塘即洿池因地形均下用之潴蓄水潦或修築圳堰以備灌溉田畝兼可畜育魚鼈栽種蓮芡俱各獲利累倍大凡陸地平田別無溪澗井泉以溉田者救旱之法非塘不可夫江淮之間在在有之然官民異屬各爲水業歲收產利或用水之多便者

翻車

次定四車全書


農政全書

八



翻車今人謂龍骨車也魏畧曰馬鈞居京都城內有田地可為園無水以灌之乃作翻車令兒童轉之而灌水自覆漢靈帝使畢嵐作翻車設機引水洒南北郊路則翻車之制又起于畢嵐矣今農家用之溉田翻車之制除壓欄木及列檻檣外車身用板作槽長可二丈闊則不等或四寸至七寸高約一尺槽中架行道板一條隨槽闊狹比槽板兩頭俱短一尺用直大小輪軸同行道板上下通週以龍骨板繫其在上大軸兩端各帶拐木四莖置於岸上木架之間人憑架上踏動拐木則龍骨板隨轉循環行道板刮水上岸此翻車之制關捷頗多必用木匠可易成造其起水之法若岸高三丈有餘可用三車中間小池倒水上之足救三丈已上高旱之田凡臨水地段皆可置用但田高則多費人力如數家相博計日趨工俱可濟旱水具中機械功捷惟此為量

筒車



筒車流水筒輪凡制此車先視岸之高下可用輪之大
小須要輪高於岸筒貯於槽方為得法其車之所在自
上流排作石倉斜擗水勢急湊筒輪其輪就軸作轂軸
之兩旁閤於樁柱山口之內輪軸之間除受水板外又
作木圈縛繞輪上就繫竹筒或木筒

謂小輪則用竹筒
大輪則用木筒

於輪之一週水激轉輪衆筒兜水次第傾於岸上所橫
木槽謂之天池以灌田稻日夜不息絕勝人力若水力
稍緩亦有木石制為波柵橫約溪流旁出激輪又省工


費或遇流水狹處但壘石斂水湊之亦為便易此筒車大小之體用也有流水處俱可置此但恐他境之民未始經見不知制度今列為圖譜使倣倣通用則人無灌溉之勞田有常熟之利輪之功也


玄扈先生曰凡取水之術有四一曰括二曰過三曰盤四曰吸括之道有二一曰獨刮急流水中加逼脫可括上數丈也二曰逋括不論急緩但有流水以三輪逋括可利出入也過之道有二一曰全過今之過山龍必上

水高於下水則可為之至平則止二曰二過以人力節
宣隨氣呼吸苟上流高於下流一二尺便可激至百丈
以上也盤之法至多此書所載凡有輪軸者皆是其妙
絕者遞互輪漚交輪疊盤可至數里山嶺但括法必須
流水過法不論行止必須上流高於下流盤法在流水
用水力在止水必須風及人畜之力獨吸法不論行止
緩急不拘泉池河井不須風水人畜只用機法自然而
上但所取不能多止可供飲倘用溉田必須多作顧亦

易辨

水轉翻車







水轉翻車其制與人踏翻車俱同但於流水岸邊掘一
狹塹置車於內車之踏軸外端作一豎輪豎輪之傍架
木立軸置二卧輪其上軸適與車頭豎輪輻支相間乃
擗水傍激下輪既轉則上輪隨撥車頭豎輪而翻車隨
轉倒水上岸此是卧輪之制若作立軸當別置水激立
輪其輪輻之末復作小輪輻頭稍闊以撥車頭豎輪此
立輪之法也然亦當視其水勢隨宜用之其日夜不止
絕勝踏車

玄扈先生曰此却未便水勢太猛龍骨板一受齟齬即
決裂不堪與今風水車同病若長流水中不如筒車為
穩平流用風不佞別有一法

牛轉翻車






牛轉翻車如無流水處車之其車比水轉翻車卧輪之制但去下輪置於車傍岸上用牛拽輪轉軸則翻車隨轉比人踏功將倍之與前水轉翻車皆出新制故遠近倣之俱省工力


驢轉筒車

卷之五

農政全書

十六






驢轉筒車即前水轉筒車但於轉軸外端別造豎輪豎輪之側岸上復置卧輪與前牛轉翻車之制無異凡臨坎井或積水淵潭可澆灌園圃勝於人力汲引

玄扈先生曰此却太拙筒車之妙妙在用水若用人畜之力是水行迂道比于翻車枉費十分之三



高轉筒車



高轉筒車其高以十丈為準上下架木各豎一輪下輪半在水內各輪徑可四尺輪之一周兩傍高起其中若槽以受筒索其索用竹均排三股通穿為一隨車長短如環無端索上相離五寸俱置竹筒筒長一尺筒索之底托以木牌長亦如之通線鐵線縛定隨索列次絡於上下二輪復於二輪筒索之間架剡木平底行槽一連上與二輪相平以承筒索之重或人踏或牛拽轉上輪則筒索自下兜水循槽至上輪輪首覆水空筒復下如

此循環不已日所得水不減乎地車戽若積為池沿再
起一車計及二百餘尺如田高岸深或田在山上皆可
及也所轉上輪形如輶制易繳筒索用人則如輪軸一
端作掉技用牛則制作豎輪如牛轉翻車之法或
於輪轉兩端造作拐木如人踏翻車之制若筒索
稍慢則量移上輪其餘措置當自忖度不能悉成

玄扈先生曰此製却可用之急流挈水雖小而行地頗
高若在乎水亦須用人畜之力然猶勝挈瓶也但凡車
戽之制獨平水為難耳若果係迅流即數里可激而上
此區區者何足以云別有水轉筒車與高轉筒車之制

頗同故著其說於後圖不載

水轉筒車遇有流水岸側欲用高水可立此車其車亦高轉筒輪之制但於下輪軸端別作豎輪傍用卧輪撥之與水轉翻車無異水輪既轉則筒索兜水循槽而上餘如前例又須水力相稱如打輾磨之重然後可行日夜不息絕勝人牛所轉此誠祕術今表暴之以諭來者

連筒





連筒以竹通水也凡所居相離水泉頗遠不便汲用乃取大竹內通其節令本末相續連延不斷閣之平地或架越澗谷引水而至又能激而高起數尺注之池沼及庖湏之間如樂畦蔬圃亦可供用杜詩所謂連筒灌小園

玄扈先生曰豈有激而高起之理若能高起必是上流受處高於下流洩處故也果高則百丈亦可不高則分寸不能但是上流高于下流一二尺即能取水至百丈


之上此則制作之巧耳

架槽



架槽木架水槽也間有聚落去水既遠各家共力造木為槽通相嵌接不限高下引水而至如泉源頗高水性趨下則易引也或在窪下則當車水上槽亦可遠達倘若遇高阜不免避礙或穿鑿而通若遇凶險則置之又木駕空而過若遇平地則引渠相接又左右可移隣近之家亦得借用非惟灌溉多便抑可潴蓄為用暫勞永逸同享其利

庠斗



岸斗挹水器也唐韻云岸抒_{上切}與也抒水器挹也凡水

岸稍下不容置車當旱之際乃用岸斗控以雙縷兩人
掣之抒水上岸以溉田稼其斗或柳筩或木罌從所便
也

玄扈先生曰此是岸下不必置車或所用水少權作此
耳若以溉田即岸下亦是置車為妙

刮車

農政全書

五十四





刮車上水輪也其輪高可五尺輻頭濶至六寸如水頗下田可用此其先於岸側掘成峻槽與車輻同濶然後立架安輪輪軸半在槽內其輪軸一端探以鐵鈎木拐一人執而掉之車輪隨轉則衆輻循槽刮水上岸溉田便於車戽

玄扈先生曰此必水與岸相去止一二尺方可用若歲潦用以出水圩外尤便若並流水便可激輪出入則不煩人畜其利甚博也

桔槔

大邑口車人書

農政全書

二十六






桔槔挈水械也通俗文曰桔槔機汲水也說文曰桔結也所以固屬槔臯也所以利轉又曰臯綬也一俯一仰有數在焉不可速也然則桔其植者而槔其俯仰者與莊子曰子貢過漢陰見一丈人方將爲圃畦鑿隧而入井抱甕而出灌搨搨然用力甚多而見功寡子貢曰有械於此一日浸百畦鑿木爲機重前輕挈水若抽數如沃湯其名爲槔又曰獨不見夫桔槔者乎引之則俯舍之則仰彼人之所引非引人者也故俯仰不得罪於人

今瀕水灌園之家多置之實古今通用之器用力少而見功多者

轆轤






輓轆纏綆械也唐韻云圓轉木也集韻作犢輓汲水木也井上立架置軸貫以長轂其頂嵌以曲水人乃用手掉轉纏綆於轂引取汲器或用雙綆而逆順交轉所懸之器虛者下盈者上更相上下次第不輟見功甚速凡汲於井上取其俯仰則桔槔取其圓轉則輓轆皆挈水械也然桔槔綆短而汲淺獨輓轆深淺俱適其宜也玄扈先生曰此大拙不如吸法爲妙吸法有二一用人力工費力省一不用人力作之少費工料用之却甚利

益

瓦竇




沈氏四庫全書

農政全書

三十

瓦竇泄水器也又名尿管以瓦筒兩端牙鏑相接置於塘堰之中時於田水須預於塘前堰內疊作石檻以護筒口令於啓閉不然則水湊其處非惟難於窒塞抑亦衝渲滲漏不能久穩必立此檻其竇乃成唐韋丹為江南西道觀察使築堤扞江竇以䟽漲此雖竇之大者亦其類也

石籠




石籠又謂之卧牛判竹或用藤蘿或木條編作圈眼大
籠長可二三丈高約四五尺以籤椿止之就置田頭內
貯硨石以擗暴水或相接連延遠至百步若水勢稍高
則壘作重籠亦可遏止如遇隈岸盤曲尤宜周折以禦
奔浪併作洄流不致衝蕩埂岸農家瀕溪護田多習此
法比於起疊堤障甚省工力又有石筴擗水與此相類

浚渠

卷之五

農政全書

二十一



浚渠凡川澤之水必開渠引用可及於田考之古有溝
洫畎澮以治田水書云濬畎澮距川是也逮夫䟽鑿已
遠井田變古後世則引川水為渠以資沃灌按史記秦
鑿涇為渠又關西有鄭國白公六輔之渠外有龍首渠
河內有史起十二渠范陽有督亢渠河北有廣戾渠朗
州有石史渠今懷孟有廣濟渠俱各溉田千百餘頃利
澤一方永無旱暵所謂人能勝天豈不信哉後之人有
能因其地利水勢繼此而作益國富民可見速效凡長

民者宜審行之

陰溝



陰溝行水暗渠也凡水陸之地如遇高阜形勢或隔田園聚落不能相通當於穿岸之傍或溪流之曲穿地成穴以磚石為圈引水而至若別無隔礙則當踏視地形用策索度其高下及經由處所畫為界路先引濬犂耕過後復浚掘乃作甃穴上覆元土亦是一法如灌溉之餘常流不絕又可蓄為魚塘蓮蕩其利亦博或貫穿城邑巷陌及注之園圃池沼悉周於用雖遠近大小深淺曲直不同然皆狀流內達膏澤傍通水利之中最為永


便此皆泉源在上或在平地易以通流如水在溝中當車水上之溉田則便也或遇田勞則反能撒水下之此又陰溝用水之變法

欽定四庫全書



卷十七

井



井地穴出水也說文曰清也故易曰井冽寒泉食甃之以石則潔而不泥汲之以器則養而不窮井之功大矣按周書云黃帝穿井又世本云伯益作井堯民鑿井而飲湯旱伊尹教民田頭鑿井以溉田今之桔槔是也此皆人力之井也若夫巖穴泉竇流而不窮汲而不竭此天然之井也皆可灌溉田畝水利之中所不可闕者

玄扈先生曰井以深大為佳如南方小井則用耒博大而敞口則汲者懼險須如北方三四眼者以容轆轤即


大善矣其蓋則須極厚上施石欄焉既言井曷不具汲
法也沒有三法汲為上轆轤次之挈綆並為下轆轤又
有一種上文所具在中下之間

水箒

次定回車全書

農政全書

三十一



水箐

薄庚切

集韻云竹箕也又籠也夫山田利於水源在

上間有流泉飛下多經磴級不無混雜泥沙淤壅畦埂
農人乃編竹為籠或木條為捲芭承水透溜乃不壞田

農政全書卷十七

欽定四庫全書

農政全書卷十八

明 徐光啟 撰


水利

利用圖譜

王禎曰水利之用衆矣惟關於農事係於食物者錄之
然必假他物乃可成功所以訪諸彼而得於此稽諸古
而行於今啓祕於初傳幹連機而同運或造穀食代人

畜之勞或導溝渠集雲雨之効或資米引於庖湍或供
刻漏于田疇其餘舟楫灌溉等事已具前篇覽者當互
相叅攷以盡水利之用云


鐔 濬




濬鍤書云濬畎澮距川今濬鍤即此濬也周禮匠人為溝洫耜廣五寸二耜為耦一耦之畝廣尺深尺以此考之則知濬鍤即耦耜之法其制大倍常鍤鍤亦稱是凡開田間溝渠及作陸塹乃別制箭耜可用此鍤斲耜底為胎煨鐵為刃耜轅貫以橫木二人扶之可使數牛輓行挿耜既深一去復回即成大溝挑浚之力日省萬數唐書天寶初開砥柱之險以通流石中得古鐵耜鍤上有平陸二字因改河北縣為平陸縣此蓋先開險時所

遺器也又泰山下舊有曠野其地污下不任種蒔土人
呼曰淳于泊近于耕劇之際得舊鏵大可尺餘故老云聞
昔有大鏵用開田間去水溝塹當是此器因并記之以
為興利者之助


水排








水排集韻作橐與鞴同韋囊吹火也後漢杜詩為南陽
太守造作水排鑄為農器用力少而見功多百姓便之
注云冶鑄者為排吹炭今激水以鼓之也魏志曰胡暨
字公至為樂陵太守徙監冶謁者舊持冶作馬排每一
熟石用馬百匹更作人排又費工力暨乃因長流水為
排計其利益三倍於前由是器用充實以今稽之此排
古用韋囊今用木扇其制當選湍流之側架木立軸
作二卧輪用水激轉下輪則上輪所週絃索通激輪前

旋鼓掉枝一例隨轉其掉枝所貫行枕因而推輓卧軸
左右攀耳以及排前直木則排隨來去掬治甚速過於
人力又有一法先於排前直出木龔約長三尺龔頭豎
置偃木形如初月上用鞦韆索懸之復於排前植一勁
竹上帶撐索以控排扇然後却假水輪卧軸所列拐木
自上打動排前偃木排即隨入其拐既落撐竹引排復
回如此間打一軸可供數排宛若水碓之制亦甚便捷
故併錄此






水磨



水磨凡欲置此磨必當選擇用水地所先儘並岸擗水激轉或別引溝渠掘地棧木棧上置磨以軸轉磨中下徹棧底就作卧輪以水激之磨隨輪轉比之陸磨功力數倍此卧輪磨也又有引水置閘甃爲峻槽槽上兩傍植木架以承水激輪軸要別作豎輪用擊在上卧輪一磨其軸末一輪傍撥周圍木齒一磨既引水注槽激動水輪則上傍二磨隨輪俱轉此水機巧異又勝獨磨此立輪連二磨也復有兩船相傍上立四楹以茅竹爲



屋各置一磨用索纜於水急中流船頭仍斜挿板木湊
水拋以鐵爪使不橫斜水激立輪其輪軸通長旁撥二
磨或遇泛漲則遷之近岸可許移借此他所又為活法
磨庶與利者度而用之

水磨



水礮水轉礮也礮制上同但下置輪軸以水激之一如水磨日夜所破穀數可倍人畜之力水利中未有此制今特造立庶臨流之家以憑倣用可為永利

水碾



水碾水輪轉碾也後魏書崔亮教民為輶奏於方張橋
東堰谷水造水輶數十區豈水輶之制自此始歟其輶
制上同但下作卧輪或立輪如水磨之法輪軸上端穿
其碓榦水激則碓隨輪轉循槽輶穀疾若風雨日所殺
米比於陸輶功利過倍




水碾三事

碓

碾


盤

籠



農政全書

十




水輥三事謂水轉輪軸可兼三事磨礱輥也初則置立
水磨變麥作麵一如常法復於磨之外周造輥圓槽如
欲穀米惟就水輪軸首易磨置礱既得糲米則去礱置
輥碓榦循槽碾之乃成熟米夫一機三事始終俱備變
而能通兼而不乏省而有要誠便民之活法造物之潛
機今創此制幸識者述焉


水轉連磨

水轉連磨

農政全書

十三







水打羅

水打羅

農政全書

十一







水轉連磨其制與陸轉連磨不同此磨須用急流大水以湊水轉其轉高濶輪軸圍至合抱長則隨宜中列三輪各打大磨一槩磨之周匝俱列木齒磨在軸上閤以板木磨傍留一狹空透出輪輻以打上磨木齒此磨既轉其齒復傍打帶齒二磨則三輪之功互撥九磨其軸首一輪既上打磨齒復下打碓軸可兼數碓或遇天旱旋於大輪一週列置水筒晝夜溉田數頃此一水輪可供數事其利甚博嘗至江西等處見此制度俱係茶磨

所兼碓具用搗茶葉然後上磨若他處地分間有溪港大水倣此輪磨或作碓輾日得穀食可給千家誠濟世之奇術也陸轉連磨下用水輪亦可

水擊麵羅隨水磨用之其機與水排俱同按圖視譜當自考索羅因水力互擊椿柱篩麵甚速倍於人力又有就磨輪軸作機擊羅亦為捷巧

水碓





機碓水搗器也通俗文云水碓曰翻車碓杜預作連機
碓孔融論水碓之巧勝於聖人斲木掘地則翻車之類
愈出於後世之機巧王隱晉書曰石崇有水碓三十區
今人造作水輪輪軸長可數尺列貫橫木相交如滾搶
之制水激輪轉則軸間橫木間打所排碓稍一起一落
舂之即連機碓也凡在流水岸傍俱可設置須度水勢
高下為之如水下岸淺當用陂柵或平流當用板木障
水俱使傍流急注貼岸置輪高可丈餘自下衝轉名曰


撩車碓水若高岸深則為輪減小而濶以板為級上用
木槽引水直下射轉輪板名曰斗碓又曰鼓碓此隨地
所制各趨其巧便也

槽碓

欽定四庫全書

農政全書


十七




槽碓碓稍作槽受水以為舂也凡所居之地間有泉流
稍細可選低處置碓一區一如常碓之制但前頭減細
後稍深濶為槽可貯水斗餘上庇以厦槽在厦乃自上
流用覓引水下注於槽水滿則後重而前起水瀉則後
輕而前落即為一舂如此晝夜不止可穀米兩斛日省
二工以歲月積之知非小利

玄扈先生曰不言轉輸機括使後來者何述焉


水轉大紡車






水轉大紡車比車之制但加所轉水輪與水轉翻車之法俱同中原麻苧之鄉凡臨流處所多置之今按圖寫庶他方績紡之家倣此機械比用陸車愈便且省庶同獲其利

缶




缶汲水器左傳宋災樂喜為政具綆缶爾雅疏云比卦
初爻有孚盈缶注云辰在爻木上植東井井之水人所
汲用缶楊惲傳曰田家作苦歲時伏臘烹羊烹羔斗酒
自勞酒後耳熱仰天拊缶而呼烏烏應劭曰缶瓦器也
今汲器用瓦亦缶之遺制也

綆



綆郭璞云汲水索也易卦云汔至亦未繙井方言繙自關而東周洛韓魏間謂之絡關西謂之繙綆或作統俗謂井索下係以鈎今汲用之家必有轆轤為綆設也



農政全書卷十八